


BOKAMOSO

KGATISO 32 SEETEBOSIGO 2009

LEKWALO LA DIKGANG LA MALOKO A LETLOLE LA PHENSHENE LA DEBSWANA



DEBSWANA PENSION FUND
Your fund: your security for your future



Rre Tabake Kobedi

Letlole le tswelsetse ka go mekamekana le kwelo tlase ya itsholelo ya lefatshe. Le fa dikgoberego tsa mebaraka ya madi di santse di le teng, seemo se lebege se tokafala. Re bone mo dikgweding tsa nthla tse tharo di akareditswe letlole le latlhegetswe ka bonnyennyane jwa - 2.25% fa

Maduo a tshimologo ya ngwaga a nametsa ●●●

go tshwantshiwa le tatlhegelo e e bothoko e re e boneng kwa bofelong jwa ngwaga wa 2008 ya selekanyo sa -6.6% . Kwelo tlase ya ditlhwatlhwa kgotsa inflation, yone e ne e le mo selekanyong sa 1.6% ka yone nako eo. Tlhwatlhwa ya letlole lotlhe fa kgwedi ya Mopitlo e wela ngwageng ono e ne e le P2.5billion.

Madi a maloko go farologana ka mephato ya one a tokafetse le fa re ntse re bone ditatlhegelo. Mophato wa ba ba gaufi le go ja phenshene ba conservative portfolio ba bone morokotso wa 1% fela go ema ka kgwedi Mopitlo. Se se botoka fa re tshwantshanya le mafelo a ngogola ka tatlhegelo e ne e le mo selekanyong sa -4.7%. Ba mophato wa Market portfolio ba latlhegetswe ke selekanyo sa -2.7%, se e le tokafalo e kgolo fa go tshwantshiwa le tatlhegelo ya -8.4% ngogola. Mophato wa bagodi one, e leng wa Pensioner portfolio o bone tatlhegelo ya -0.2% , mme le bone seemo se tokafetse go tswa go tatlhegelo ya -4.9% ngogola ka sedimonthole a fela. Kgolo ya ditlhwatlhwa go ema ka Mopitlo ngwageng ono e ne e le 1.2%.

Jaaka go bonala, maduo e santse e le a sa kgotsafatseng, mme le fa go ntse jalo, boeteledipele jwa letlole bo na le tsholofelo ya

gore seemo se tlaa tswelela ka go tokafala. Mo godimo ga tsholofelo e, ba tswelsetse ka go baya seemo leitlho le go tlotlhomisa maano otlhe a a kgonagalang a ba ka a dirisang go fokotsa bokete jwa sebetso sa go wa ga mebaraka.

Mo pegong ya gagwe ya ngwaga, modulasetilo wa letlole ebile e le mookamedimogolo mo go tsa tlhokomelo ya madi kwa komponeng ya Debswana, Rre Tabake Kobedi, o kgothatitse maloko go nna pelotelele ka mafoko a a latelang; *“Maikaelelo a ke nang le one ke le moeteledipele wa letlole ke go thomamisa gore boeteledipele bo dira ka natla le go diragatsa maikaelelo a re a beileng a go godisa letlole. Mo nakong eno kgwetlho e e kgolo go di feta tshotlho ke gore letlole le tile setsuatsue se re leng mo go sone sa mebaraka, mme morago ga moo re tswelela ka go godisa kgwebo ya letlole. Re tlaa thomamisa gore maloko a nne a na le kitso ka tse di ba amang mo letloleng.”*

Maloko a tlaa tswelela a itsisiwe seemo sa madi fa ngwaga o ntse o tsamaya.

Maduo a go ema ka sephatlo sa ngwaga (Seetebosigo) a ne a ise a nne teng ka nako ya kgatiso ya lokwalo le.

BAGODI LE BA BA TLOGETSENG TIRO!

GAKOLOGELWANG GO ROMELA DIFOMO TSA LONA TSA GO NNA MALOKO A MOKGATLHO WA BAGODI WA DPF!

Fa o ise o romele fomo ya gago dira jalo ka bonako o seka wa tloga wa

fetwa ke mananeo a re a ikaeletseng le gone go itsane le maloko a mangwe!

Re setse re kwadisitse leina la mokgatlho kwa ga goromente mme re eme fela ka wena gore o tlise fomo re tle re go etele. Leina la mokgatlo le tlaa bidiwa “Badiri- Ba- Meepe Pensioners Association” Fa o sa amogela fomo mo posong, re leletse re tle re e go romelele.

Mo teng ●●●

* Maduo a tshimologo ya ngwaga a nametsa	Pg 1
* Kakgelo	Pg 2
* Mafoko a kgotla a mantle otlhe	Pg 3/4
* Ditiragalo	Pg 5/6
* Madi aa sa tsewang mo letloleng	Pg 7
* Isago & Letlole Competitions	Pg 8

DI ATERESE LE MEGALA

The Principal Officer, Debswana Pension Fund, Ground Floor Visible Edge (BP Building), The Mall P/Bag 00512 Gaborone, Botswana

Tel: 361 4236/4267/4318/4366,

Fax: 3936 239

Mogala wa mahala: 0 800 600 681

Email: bokamoso@debswana.bw

DINAKO TSA GO ETELA LETLOLE

Mosupologo go ya go labotlhano

08:00h - 16:45h (Le ka nako ya dijo tsa motshagare)

Tebelepele Ya Rona

Ga nna letlole la dipenshene la mmamoratwa la maemo a nthla mo sechabeng sa Botswana ka kakaretso

Maitlamo A Rona

Re itlamo go fa maloko thuso ya maemo a a kwa go dimo, le go thomamisa bokamoso jwa letlole ka ditsela tse di latelang;

- Botswerere mo tlhokomelong ya madi a maloko
- Bothakga mo tirong le tsamaiso ya letlole
- Go ruta le go buisana le maloko ka nako tshotlho

Setho sa rona - re batla go tseje ba:

1. Boitseanape le Boeteledipele
2. Boikanyego le Tshiamano
3. Botho
4. Tlotlo mo malokong
5. Botswerere mo tirong

KAKGELO



Agatha Sejoe

Baanamisa mafoko ka nna ba tlaa dumalana le nna fa ke re ga go sepe se se re itumedisang thata mo tirong e ya rona go feta kamogese go ya melaetsa ya rona mo bathong. Se ke se bone mo bosheng fa ke ne ke etetse maloko go ba itsise ka seemo sa letlole, le loeto le ke sa tswang go le wetsa la dikgotla mo Botswana ka go farologana. Ke solofela fa o tlaa itumelela pego ya rona ka loeto le.

Tiro ya moanamisa mafoko e a bo e sa felela fa bareetsi ba sa fe dikakgelo le dikgakololo ka gore ke tsone tse di re fang tshono ya go tokafatsa ka fa re gasang melaetsa ya rona ka teng, le gone go tokafatsa ditlamelo tsa maphata a rona. Ke lebogela gore maloko a DPF ke batho ba ba nang le kgalhego e ntsi mo tsamaisong ya letlole, ka jalo ga re nke re tlhalelwa ke dikgakololo, mme se se dire gore tiro ya rona

e nne motlhofo. Mo loetong la dikgotla ke amogetse dikakgelo tse dintle ele ruri mme ebile kena le tshepo ya gore tirisano mmogo ya rona e tlaa gola.

Re lebisla malebogo a rona a ya mo malokong a a tsayang matsapa nako le nako go nna teng mo diphutheng tsa rona. Tswelelang lo dira fela jalo.

Ke leboga thata thata le borara jwa dikgotla tse di farologaneng. Lo nkaomogetse ka mowa wa lorato le thekegelo. Re le boeteledipele jwa DPF re itumeletse kamogelo ya maemo a a kwa godimo e lo e re fileng mo loetong la rona, le rona re tlaa leka ka bojotle go lo ema nokeng fa go kgonagalang teng. A pula e lo nele.

Agatha

DIPHETOGO MO LETLOLENG- BOETELEDIPELE

BA BA LATLHETSENG KGETSE



Rejoice Dintwa o digetse dingwaga tse a neng a di beetswe tse tharo e le moemedi wa kgaolo ya Jwaneng. Go ya ka melawana e e beilweng ya phenshene, o ne a tlamegile go fologa setilo ka tiro ya gagwe a e weditse.



Richard Malikongwa, yo o sa tswang go leboga tiro kwa DTCB, le ene o ne a tlamegile go tlogela maemo a gagwe mo boeteledipele jwa letlole go ya ka fa

molaong, ka gore ga a tlhole a berekela mo dikomponeng tse di ka fa tlase ga letlole. O lebogile tiro go simologa Seetebosigo a le lesome le botlhano ngwageng ono.



Bonny Thebenyane, ka e ne e le mothusi wa ga Richard Malikongwa yo o tsamaileng, le ene o ne a bona go tshwanela go latlhela kgetse.



Seabe Hetanang, fela jaaka, Rre Thebenyane, le ene e ne e le mothusi wa ga Rejoice Dintwa

yo o weditse tiro ya gagwe. Ka jalo le ene ga a tlhole a ka tswelela ka yo a neng a mo thusa le ene o dule mo maemong a gagwe.

BA BA SE PALAMANG



Nchidzi Mmolawa, o kile a bo a le mothusi wa ga Mooketsi Jongman yo o tsamaileng, mme jaanong o tlhathoseditse mo maemong a ga Rre Jongman e le ene Principal Trustee kgotsa moemedimogolo go

tswa kwa lephatheng la ga goromente le le itebagantseng le tsa meepo, metsi le ditswa mmung ebong Ministry Of Minerals, Energy and Water Affairs (MMEWA).

Dikitsiso ka ba ba tlaa tlhatlhamang Rre Malikongwa le Rre Thebenyane di tlaa itsisiwe mo makwalong a a tlang.

Ezekiel Moumakwa, yo le ene a tswang kwa MMEWA, e tlaa nna ene mothusi yo moshwa wa ga Rre Nchidzi Mmolawa.



Kaywa Namoshe o ne a fenyha ditlhopo go tsena mo maemong a a tlogelwang ke Rejoice Dintwa kwa moepong wa Jwaneng. Ditlhopo di ne di tshwerwe ka

Seetebosigo a tlhola gangwe ngwageng ono.



Otsenye Tsietso, yo le ene e leng mmereki kwa moepong wa Jwaneng, ebile ane a iteisyana borathana mo ditlhopong le Rre Kaywa Namoshe, e tlaa nna ene mothusi wa gagwe yo moshwa.

KOMITI E NCHA

Go na le komiti e e simoloditsweng la boeteledipele e e tlaa itebagang le go aba dikonteraka tsa madi, e leng Tender Review Committee. Se se ne se gwethwa ke ditlhabologo tse di tswelletseng pele mo letlolang jaaka fa le ntse le gola.


MAFOKO A KGOTLA A MANTLE OTLHE: Dikakgelo go tswa kwa magosing

Re sa tswa go wetsa mosepele o moleele wa go etela dikgotla di le mmalwa lefatshe ka bophara. E ne e le mosepele o o itumedisang thata e le ruri. Bogosi ka go farologang jwa metse bo ne bo iketleeditse go tla go tsaya ka tlaa mo diphutheng tse re neng re di tshwere le bone, ebile ba re amogetse ka lorato.

Maloko a DPf a feta sephatlo (50%) a nna mo magaeng, mme ebile gantsi

fa Letlole le tlhoka ditlankana le bosupi jwa dilo tse di farologaneng tse di amanang le phenshene mo malokong, ba kgatlhegela go dirisa dikgotla go feta maphata a mangwe. Ke gone ka moo re bonang dikgotla di le botlhokwa thata mo tsamaisong ya letlole.

Maikaelelo a rona e ne e le go tiisa botsalano jo. Dikakgelo dine di le dintsi, le thotloetso e le kwa godimo. Dingwe tsa dikakgelo ke tse di latelang;



Kgosi Montshiwa – (Mothusa Kgosi), Borolong;

“Re itumela thata gore lo bo lo tsere matsapa a go tla kwano lo re tlhalosetsa ka tse re dirisanang le lona ka tsone . Ke kgothatso mo go rona gore lo bo lo dirile jalo. Mme ebile re na le tsholofelo ya gore e tlareng mo tsamaong ya nako lo re thuse ka ditlamelo tse re di tlhokang”



Ms D. Setumo – Ramapodisi; Botswana Local Police, Lobatse

“Kgotla ke yone palamente ya sechaba. Re amogela matshwenyego a a farologaneng, a mangwe e le a a amanang le dipenshene. Tiro ya rona e ka nna motlhofo fa re itsane ebile re dirisana mmogo le botlhe ba ba romelang maloko a bone kwano. Re leboga gore le le Debswana Pension Fund le bo le tsere kgato go diragatsa seo.”



Christianah Moloi – Mosekisi, Woodhall Customary Court, Lobatse;

“Re gagamentse ka boitumelo, Debswana Pension Fund ke kompone ya ntsha e mo go ba ba dirisang ditlamelo tsa rona go ikopanya le rona ka se re se ba direlang. E le ruri fa ba bangwe bane ba ka tsaya malebela mo go lona go ka nna gontle tota. Go dingalo go thusa sechaba re sena kitso ya se ba tlang ka sone. Dipusanyo tsa rona e ntile tse di itumedisang. Re solofela fa le tlaa tswela ka go ikgolaganya le rona gangwe le gape.”



Kgosi Motshidisi – (Mothusa Kgosi), Palapye

“Bontsi jwa maphata a a romelang batho kwa go rona ba re dirisa tiro e e seng yone, mme ga re nke re bona tshono ya go ba bolelela se ka gore ga re itsane le bone. Fa gongwe re kgona go nna le dipotso di tlhoka dikarabo mme re tlhoke go itse gore re ka di botsa mang.”



Kgosi Ntebele – Kgosi ya Palapye

“Ke itumelela fa lo lemoga mosola wa bogosi. Batswana ba dumela mo bogosing, ke jaaka lo bona ba rata go dirisa dikgotla go feta maphata a mangwe. Ngongorego ya me le lona le a mangwe maphata a e seng a ga goromente ke gore ga lo nke lo re thusa ka sepe sa ditlamelo ntswa re thusa maloko a lona. Mme le gale ke utlwa ke kgothatsega ka ke fano lo re etetse, go raya gore e tlaare fa botsala jwa rona bo ntse bo gola lo re fe thotloetso e re e tlhokang.”

Re lebegela loeto la lona ka gore re tlaa kgona go buisana le lona gore bobeding jwa rona re tlhaloganye sentle se eleng gore re le Dikgotla re ka se le direla le tse go sa tlhokegeng gore re di dire. Dilo tse o buang ka tsone jaaka bo fomo ya A O A TSHELA, ditlhotlhomiso tsa bajaboswa le tse dingwe tse di tshwanang le tsone, ke dilo tse e leng gore ga re na bothata le go le thusa ka tsone, e seng tse di tshwanang le go supa maina a batho fela mo go ka dirwang ka OMANG ko diofising tsa lona.

Jaaka ke bua le wena jaana, re na le maina a batho ba ba kileng ba berekela meepo ya Aferika ba ba batliwang go fiwa ditshwanelo tsa bone, mme re a thusa go ba batla. Ga go pale gore le lona re ka le thusa jalo, bogolong jang ka le le batho ba mo gae.”

MAFOKO A KGOTLA A MANTLE OTLHE: Dikakgelo go tswa kwa magosing



Kgosi Gonggang Mankgatau, (Kgosi) Rakops

"Go bothokwa gore fa batho batla kwano re bo re itse kwa ba tswang teng. Dingwe tsa dikgang tse re di tshwarang mo kgotleng e ke tse di masisi. Re bua le banana le bagolo ka go farologana mme go batla re na le kitso e e rileng gore re bue le bone sentle. Ke tshwenyegile thata ka batho ba ba senang boikarabelo jwa go aga le go tshwaraganya malapa a bone, mme e re morago ga loso la gagwe batho ba sale ba le mo mathateng a dintwa. Ka tsweetswee rutang maloko a lona go ikgapha ba santse ba le mo botshelong, tiro ya rona re le Dikgosi ya go tshereganya dintwa e tle e fokotsege, bogolo jang banna."

Kgotla ke eno fa lo e tlhoka, lo ba phuthe lo bue le bone. Go bothoko go bona motho a tshela le yo mongwe botshelo jwa gagwe jotlhe a bo a tla go latlhegelwa ke ditshwanelo tsa gagwe le bana ba gagwe ka gore o ne a sa nyalwa. Dilo tse ga di a re siamela re le sechaba. Mongwe le mongwe a tseye boikarabelo jwa gagwe. Ke sologela fa lo tlaa boa gape."



Kgosi S M Segwabe (Sefhophe Village)

"Ke itumelela go utlwa le re le simolodisa makgotlana a bagodi. Kgakololo ya me ke gore makgotla a lo a dire go ya ka dikgaolo, e seng ka metse. Se se tlaa thusa gore batho ba metse e e farologaneng ba itsane, e tle e re fa go na le mongwe yo lo mmatlang, komiti ya kgaolo eo e kgone go mmona motlhofo. Ke solofela go le bona gantsi mo kgaolong ya rona."



Kgosi Kgakanyane Sebina - Tutume

"Re itumelela go itsane le lona. Romelang dikwalo tsa lona le tse dingwe fela jalo re lo thuse, Mme ka tsweetswee lo seka lwa lebala go re thusa ka ditlamelo fa lo kgonang teng. Re tlhalelwa ke ditlamelo mo kgotleng mme re ka itumela fela thata fa lo ka re thusa ka fa le kgonang ka teng."



Kgosi Malema - Bobonong


"Lo dira sentle go ruta batho ba lona. Mathata a a mo sechabeng re ka a fenya fela fa re tshwaragane. Go na le batho ba ba bosula fela thata mo botshelong. Dikgotlhang tse re di bonang di bakwa ke madi di dintsi, tse di ngomolang pelo ke tse di amang bana ba ba rontshiwang boswa jwa bone."

Go na le batho ba ba ikgagapelang mme ba lobe maina a ba bangwe fa boswa bo setse bo kgaogangwa. Kgothatsang batho ba lona go kwala mongwe le mongwe wa bana ba gagwe pele ga a tlhokafala go tla mathata a."



Kgosi Retlhatlholeng - Letlhakane

"Go na le mekgwa e e sa siamang ya bopelotshetlha e re e bonang gangwe le gape mo go bangwe ba ba tlang kwano ka tsone dithuso tse tsa phenshene. Ke maikarabelo a rona re le baemedi ba sechaba go sireletsa ba ba senang molato kgotsa ba ba tsiediwang mo ditiragalong tse. Ke itumela fa o tlhalosa gore re gololesegile go lo itsise fa re bona bothlaswa jo bo diragala. Re tlaa leka thata go itshwaraganya le lona mo tirong e."



Kgosi Ramotshabi - Kgosana, Serowe

"Bontsi jwa ditsheko ka kakaretso bo dirwa mo dikgotlaneng kwa bontsi jwa morafe bo yang teng, eseng mo dikgotleng tse ditona. Dipuisano tse di ntseng jaana di bothokwa thata mo go rona Dikgosana gore re ithute ka ditsamaiso tsa lona re tle re thuse batho ba lona sentle. Gantsi batho fa ba tla kwa go rona ka dingongorego tsa dipenshene, ga go na tsela e re ka tlhomamisang se ba se buang ka yone. Ke itumelela gore lo bo lo le fa lo re fa kitso le fa e sa lekana."

Loeto la Dikgotla



Kgosi Legodimo Kgotlafela Leipego



Hukuntsi

Badiredi ba kgotla



Kgosi Puso Gaborone, Kgosi Kgolo ya Batlokwa le Dikgosana tsa dikgotla tse di farologaneng tsa bodiredi jwa gagwe.



Borolong



Ramotswa

Kgosi Tsimane Mokgosi
(Mothusa Kgosi)



Rre Lekgela
(Sergent, Local Police)

Loeto la Dikgotla



Ramotswa

Kgosi Ikaneng - Senior Chief Representative



Palapye

Kgosi Obuseng (Lecheng), Kgosi Mapena (Maunatlala) Kgosi Moroka (Lerala)



Mma Lehelepa – Mokwaledi wa kgotla



Serowe

Badiredi ba kgotla



Mr Senyarelo - Mothusa Mokwaledi wa kgotla



Rakops

Ntshamekela Kethaotswe



Soonyane Ngande (Leloko) le bagolwane ba motse



Tutume le metse e e mabapi




Deputy Court Presidents from Botshabelo and Kagiso Customary Courts

Selibe Phikwe



Kgosi Phokontsi Seeletso – Senior Subordinate Tribal Authority

Mmadinare



Kgosi Mokgathi Makgesi

Nata

MADI A A GOLOTSWENG MME A SA TSEWA KWA LETLOLENG

Debswana Pension Fund e kopa maloko le sechaba go ba batlisa maina a batho ba ba latelang kgotsa masika a bone mabapi le madi a a sa tsewang mo letlole. Ba ba nang le kitso nngwe e e ka thusang ba kopiwa go leletsa batho ba ba latelang; Tshego (3614366), Tshwaranang (3614318) kgotsa ba leletse mogala o o sa duelelweng wa rona wa 0800 600 681.

LELOKO		MOFUTA WA MADI		YO O BATLIWANG	
1.	AR	BABITSENG	PENSION	ANDREW R	BABITSENG
2.	R	BAGWASI	PENSION	RAMONTSO	BAGWASI
3.	K	KWENENG	PENSION	K	KWENENG
4.	M	MODIRIEMANG	PENSION	MODIRIEMANG	MANYANDA
5.	M	MASIME	PENSION	MOSWEUNYANA	MASIME
6.	G	MASUKU	PENSION	MASUKU	G
7.	M	MMELESI	PENSION	MOTSWAKI	MMELESI
8.	S	MOLETI	PENSION	SAMSON	MOLETI
9.	G	MOREWABONE	PENSION	GAOLALWE	MOREWABONE
10.	N	MOTHIBEDI	PENSION	NALEDI	MOTHIBEDI
11.	B	MOTSOMI	PENSION	BASHA	MOTSOMI
12.	D	MOYO	PENSION	D.	MOYO
13.	N	NDLOVU	PENSION	NEO	NDLOVU
14.	S	NGANDE	PENSION	SEONYANA	NGANDE
15.	B	RAMAKHUDU	PENSION	BAOGOTSI	RAMAKHUBU
16.	K	RANTSHO	PENSION	RANTSHO	K
17.	S	RASESIGO	PENSION	SHADRECK	RASESIGO
18.	K	REISE	PENSION	K	REISE
19.	A	SEGWAGWE	PENSION	A	SEGWAGWE
20.	G	SEKGWA	PENSION	K	SEKGWA
21.	G	TIRELO	PENSION	G	TIRELO
22.	M	TIRELO	PENSION	M	TIRELO
23.	KM	TUMELO	PENSION	KEABETSWE M	TUMELO
24.	K	TSHWENE	DEFERRED BENEFIT	K	TSHWENE
25.	B	KHUDU	RESIGNATION	BRYAN	KHUDU
26.	MM	SEROKE	RETIREMENT	MM	SEROKE
27.	B	RANAO	RETRENCHMENT	BONTLOGILE	RANAO
28.	GAONAKALA	OLEBILE	DEATH CLAIMS	GAONAKALA	OLEBILE
29.	MMOGAETSHO	IRO O MOGAETSHO	DEATH CLAIMS		ZAMBO S



Makgabisa naga a Hukuntsi

ISAGO & LETLOLE

DITLAMORAGO TSA GO SA NCHAFATSENG BAJABOSWA DI DIKGOLO



LETLOLE: Ao, Isago, ba lwela eng ka gore madi a phenshene fa motho a sule a kgaogangwa bajaboswa jaaka a ba kwadile? Kana yo o neng a sa kwalwa go raya gore o ne a ntse a se mo lenanenong!

ISAGO: Letlole, go na le kgang e ke e utlwaletseng e e ntshwentseng fela thata! Ke utlwa gotwe mothaka yole wa maloba re mo fitlha, go a lowa kwa ga gagwe, ba lwela madi a phenshene



BAFENYI ;

1. Goitsemodimo Ratsie
P.o.box 81402 Gaborone,
Botswana


2. Taetso Justice Moshe
P.O.box 72 Tutume

3. Duncan Molelekeng P.O.
box 60705 Gaborone

4. Itaoleng Goatholamang,
BCL, Selibe Phikwe

Araba dipotso tse di latelang o ikgapele dimpho

1. Ke mang moemedi yo moshwa mo letloleng wa kgaolo ya Jwaneng?
2. Modulasetilo wa boeteledipele jwa letlole ke mang?
3. Baemedi ba ba babedi mo letloleng go tswa lephateng la ga goromente la tsa meepeo le ditswammung ke bo mang?



ISAGO: Go lebega moswi a ne a na le lebaka a sa nchafatsa maina a bajaboswa ka fa go boletwang ka teng, Jaanong basadi ba ngapana ka dinala! O kile abo a nyetse mme abo a kgaogana le mosadi. Mathata ke gore a bo a sa dire setlankana sa tlhale pele ga a ya go nna le mosadi yo mongwe. Gatwe o na le dingwaga a nna le ene a sa mo nyala ebile o tshotse bana ba bangwe le ene.



LETLOLE: Thaka! Jaanong fa gontse jaana ba Pension Fund bone ba dira jang?



ISAGO: Mathata a gakaditswe ke gore le yone fomo ya gagwe ya bajaboswa o sale a e tladitse bogologolo a santse a na le mosadi wa ntsha mme e supa e le bone fela bajaboswa, ga e supe ba basha. Mme le gale kana molao wa lefatshe o sireletsa bana, ka jalo bone ba tlaa bona boswa go sa kgathalesege gore mmabone ke mang le gore ba tshotswe jang. Ntwa tota tota e fa gare ga basadi bale. Ga ke itse gore ba phenshene ba tlile go dira jang, mme ke belaela fa mosadi yo o tladilweng yole a tlaa bona sengwe ka o ne a santse a nyetswe ka fa molaong. Kana ba DPF ba tlamega go dira se molao o reng ba se dire, jaanong fa setlankana sa tlhale se seo ba tlaa dira jang? Dilo o di itirile.



LETLOLE: Hei monna Isago, o a bo o ntsenya tsebetsebe jaanong, o raya gore phosonyana fela ya go sa nchafatsa bajaboswa e kgona go felela e lwantsha batho mo go kana? Go tlaare motho a iteke a baakanyetse lelwapa lwa gagwe nako e sale teng!